



Na osnovu članova 35. i 69. Statuta Općine Stari Grad – Prečišćen tekst („Službene novine Kantona Sarajevo“ broj: 20/13) i člana 119. Zakona o prostornom uređenju („Službene novine Kantona Srajevo“, broj: 24/17 i 1/18), v.d. Općinskog načelnika Općine Stari Grad Sarajevo, putem Službe za urbanizam, objavljuje

JAVNI POZIV
za učešće u radu Komisija za tehnički pregled građevina
izgrađenih na području općine Stari Grad Sarajevo
za 2024. i 2025. godinu

I

Pozivaju se sva zainteresovana fizička lica da podnesu prijave za tehnički pregled građevina za 2024 i 2025. godinu, u skladu sa Zakonom o prostornom uređenju Kantona Sarajevo („Službene novine Kantona Sarajevo“, broj 24/17 i 1/18), sljedećih struka:

- dipl.ing.arhitekture
- dipl.ing.građevine
- dipl.ing.saobraćaja
- dipl.ing.elektrotehnike
- dipl.ing.mašinstva
- dipl.ing.geodezije
- dipl.ing.zaštite na radu
- dipl.ing.zaštita od požara i eksplozija
- sanitarni inženjer

II

Tehnički pregled mogu vršiti samo diplomirani inženjeri navedenih struka, sa pet (5) godina radnog iskustva u struci i sa položenim stručnim ispitom.

III

Tehnički pregled ne mogu vršiti službena lica koja su učestvovala u postupku izdavanja lokacijske informacije, odnosno donošenja urbanističke saglasnosti i odobrenja za građenje, niti lica koja su učestvovala u izradi tehničke dokumentacije, reviziji glavnog ili izvedbenog projekta, gradnji i nadzoru nad gradnjom i nadležni inspektor koji je vršio nadzor nad gradnjom objekta i drugi inspektori i lica sa posebnim ovlaštenjima, u čijem su djelokrugu poslovi upravnog nadzora.



IV

Obavezna dokumentacija uz prijavu:

- potpisanu prijavu sa tačnom adresom i brojem telefona uz obaveznu naznaku uže oblasti za koju se stručno lice prijavljuje
- ovjerenu kopiju diplome o završenom fakultetu
- ovjerenu kopiju uvjerenja o položenom stručnom ispitu i užem usmjerenju
- potvrdu o radnom iskustvu u struci nakon sticanja diplome iz tačke II Javnog poziva
- kopija lične karte
- ovjerenu izjavu nadležnog organa – kojom podnosilac izjavljuje da će blagovremeno pismenim putem obavijestiti Službu za urbanizam o svom izuzeću u slučaju da je u srodstvu sa investitorom objekta koji je predmet tehničkog prijema, kao i u slučajevima navedenim u članu 119. Zakona o prostornom uređenju

V

U slučaju postupanja suprotno odredbama Zakona, rješenja o imenovanju ili ukoliko angažovano lice bude dva puta zamijenjeno narednim kandidatom sa liste, a isto ne opravda nepostupanje po rješenju, angažovano lice gubi pravo da vrši tehnički pregled građevina u tekućoj godini.

VI

Prijave sa dokazima o ispunjavanju uslova javnog poziva podnose se u roku od 15 dana od dana objavljivanja ovog konkursa, neposredno na protokol Općine ili putem pošte preporučeno. Nepotpune i neblagovremene prijave neće biti uzete u razmatranje.

VII

Ovaj Javni poziv je objavljen u dnevnim novinama, na web stranici Općine Stari Grad Sarajevo (www.starigrad.ba) i Oglasnoj tabli Općine, i ostaje otvoren 15 dana od dana objavljivanja, zaključno sa 15-im danom.

VIII

Uredno kovertirane prijave se dostavljaju sa naznakom:

“Prijava na Javni poziv za učešće u radu Komisija za tehnički pregled građevina izgrađenih na području Općine Stari Grad Sarajevo za 2024. i 2025. godinu“

Prijavu sa traženom dokumentacijom dostaviti preporučeno putem pošte ili neposredno na protokol Općine Stari Grad Sarajevo, na adresu:

OPĆINA STARI GRAD SARAJEVO

Služba za urbanizam

(Komisija za provjeru ispitivanja uslova iz javnog poziva za učešće u radu Komisija za tehnički pregled građevina izgrađenih na području općine Stari Grad Sarajevo)

Ul. Zelenih beretki broj 4

71000 Sarajevo

Lista lica koja ispunjavaju uslove za vršenje tehničkog pregleda građevina primjenjivat će se od 01.01.2024. godine.

Broj: 01-04-4-2468/23
Sarajevo, 20.10.2023. godine

**V.D. NAČELNIK
OPĆINE STARI GRAD SARAJEVO**

Mirsada Smajić, dipl.iur.